

*Bibliya kan mga Aki  
itinatao*

*Pagpoon kan  
Kamunduan nin  
Tawo*



*Sinurat ni: Edward Hughes*

*Ilustrasyon ni: Byron Unger; Lazarus  
Alastair Paterson*

*Adaptasyon ni: M. Maillot; Tammy S.*

*Inilipat ni: www.christian-translation.com*

*Produksyon ni: Bible for Children  
www.M1914.org*

*©2021 Bible for Children, Inc.*

*Lisensya: Igwa kang awtoridad na mag kopya asin mag  
imprenta kan istorya, dai mo lang ipabakal.*



***GINIBO NIN DIOS AN GABOS!*** Kan  
*ginibo nin Dios an inot sa tawo, si*  
*Adan, nagistar siya sa Harden nin Eden*  
*kaibanan an saiyang agom na si Eba.*  
*Perpekto asin maugma sindang natubod*  
*sa Dios asin sa Saiyang*  
*presensiya hanggang*  
*sarong aldaw...*



*“Totoo mananggad  
na tinaraman kami nin  
Dios na dai magkakan  
kan bunga kan arin man  
kahoy sa laog kan tatamnan?” Hinapot kan  
halas an babae. “Pwede mi na kakanon an bunga  
kan arin man na kahoy sa laog kan tatamnan  
salagad tinaraman kami nin Dios na dai  
nanggad kami magkakan o  
magdotdot kan bunga  
kan kahoy sa tahaw kan  
tatamnan; kung gigibohon  
mi iyan, magagadan kami.”*



*“Makakaarog kamo  
sa Dios.” Gusto ni  
Eba an bunga kan  
kahoy. Nagtubod  
siya sa halas asin  
nagkakan nin bunga.*



*Pagkatapos magsuway ni Eba sa  
Dios, pinakakan niya man an  
saiyang agom na si Adan kan  
bunga. Dapat na nagtaram si  
Adan, “Dai! Dai ako masuway sa  
tataramon nin Dios.”*





*Kan nagkasala si Adan asin si Eba, naaraman ninda na sinda ay huba. Nag tahi sinda nin mga dahoон kan higera, dangan ginibo ninda ining pantahob sa saindang hawak asin nagtago sa presensiya nin Dios.*



*Kan hapon na idto nadangog nindang naglalakaw sa tatamnan an Kagurangnan Dios. Aram nin Dios an ginibo ni Adan asin si Eba. Binasol ni Adan si Eba. Binasol man ni Eba an halas. Dangan nagtaram an Dios. "Isinumpa an halas". Asin sa babae, dadagdagan ang kulog na titiison sa pagbados asin pag aki. "Adan, huli ta nagkasala ka, isusumpa ko an daga huli sa imo. Kaipuhan na maglapigot ka sa pagtrabaho sa abilog mong buhay tanganing magkaigwa ka nin pagkakan."*



*Iniluwas nin Dios si Adan asin  
si Eba sa luwas kan marahayon  
na harden. Huli sa saindang  
pagkakasala, napasuway sinda  
sa Dios na nagtao ning buhay.*



*Dangan nagbugtak an  
Kagurangnan Dios nin naglalaad  
na espada tanganing dai na sinda  
makalaog. Naggibo an Dios nin  
gubing na hale sa anit  
para ki Adan asin  
Eba. Sain hale  
an anit?*



*Dai nahaloy, nagkaigwang pamilya si Adan asin Eba. An saindang matuang aki na lalaki ay sa Cain, saro siyang paraoma. An panduwa nindang aki na lalake ay si Abel, siya ay sarong pastor.*



*Uminabot ang panahon na nagdara si Cain kan kabitang kan saiyag ani tanganing idolot sa Kagurangnan. Nagdara man si Abel kan pinakamarahay na kabitang kan saiyang mga ataman na tupa ta nganing idolot sa Kagurangnan Dios. Nawilihan nin Kagurangnan Dios ang dolot ni Abel.*



*Dai inako nin Dios an dolot ni Kain.  
Kaya naanggot nin marahay si Cain.  
Hinapot nin Kagurangan si Cain,  
"Kung tama ang ginibo mo, inako  
ko kutana an dolot mo?"*



*Dai nahale an anggot ni Cain.  
Dai pa nahahaloy, sa kaomahan,  
inatake ni Cain an saiyang  
tugang na si Abel-asin ginadan!*



*Hinapot nin Kagurangan si Cain. "Haen si Abel na saimong tugang?" Nagpotek si Cain." Ano ako, paraataman kan sakuyang tugang?" Pinadusahan nin Dios si Cain, hinale nin Dios an kakayahan niyang magtanom asin mag ani. Siya ay naging paradulag asin sarong lagalag sa kinaban.*



*Asin naghale si Cain sa atubang nin Kagurangan.  
Napangagom niya an aking babaes ni Adan asin Eba  
asin nagpoon magkaiwa nin sadiring pamilya.  
Nag abot an panahon na an mga aki  
asin makuapo ni Cain nagtindog  
nin sarong siyudad.*



*Ngata, ang pamilya ni Adan asin Eva  
marikas na nagdukala. Kaitdtong panahon,  
an mga tao ay nabbubuhay nin haloy.*



*Kan ipinangaki ni Eba si Set, nagtaram si Eba, "Itinao nin Dios si Set karibay ni Abel." Si Set ay maka Dios na tao. Siya ay nabuhay nin 912 na taon asin nagkaigwang kadakol na aki.*



*Sa kinaban, an mga tawo ay lalong naging maraot hale sa sarong henerasyon, kasunod an iba pa. Sa kinatapanusang, nag desisyon an Dios na paraon an mga tao asin gabos na hayop asin mga gamgam. Namundo ang Dios na nilalang niya ang tao. Pero sarong tao ang kinaugmahan*



*An tawo na ini ay si Noe. Pagaraki siya ni Set. Si Noe ay matanos at dai nagkakasala. Naglakaw siya na kaibahan an Dios. Tinukduan ni Noe an saiyang tolong aki na lalaki na magsunod sa Dios. Plano nin Dios na gamitin si Noe sa espesyal na paagi!*



*Pagpoon kan Kamunduan nin Tawo*

*An istorya kan Tataramon nin Dios,  
an Bibliya,*

*mahihiling sa*

*Genesis 3-6*

*“An Saimong Tataramon na nagtatao nin  
liwanag.” Salmo 119:130*





*Katapusan*



*An istorya sa Bibliya ang nagpapsabot kan satuyang marahay na Dios na nag gibo satuya asin gusto Niyang mabisto mo siya.*

*Aram kan satuyang Dios na may mga ginibo kitang sala, inapod Niya ining kasalan. An kabayadan nin kasalan iyo an kagadanan; Huli ta namuot na gayo an Dios sa kinaban kaya itinao niya an saiyang bugtong na Aki na si Hesus, tanganing Siya ang magadan para saimong mga kasalan. Nabuhay si Hesus asin nagpuli sa Langit! Kung nagtutubod ka ki Hesus asin naghagad nin kapatawaran kan sa imong mga kasalan, Papatawadon ka Niya! Maistar siya sa imo at ika man sa lya sagud pa man.*

*Kun nagtutubod ka na ini ang katototohanan, sabihon mo ini sa Dios:*

*Kagurangnan kong Hesus, nagtutubod ako na ika an Dios, na naging tawo asin nagadan para sa sakuyang mga kasalan na ngunyan nabuhay liwat. Maglaog ka sa sakuyang buhay asin patawadon mo ako sa sakuyang mga kasalan, tanganing magkaigwa man ako nin bago na buhay, asin pagabot kan panahon mapaduman man sa lmo sagud pa man.*

*Basahon ang Bibliya asin makipag ulay sa Dios ara aldaw! Juan 3:16*

